

Sheria Ndogo za (Ushuru Wa Masoko na Magulio) za Halmashauri ya Manispaa ya Kigamboni

TANGAZO LA SERIKALI NA. 330 la Tarehe 20/07/2018

SHERIA YA FEDHA ZA SERIKALI ZA MITAA

(SURA YA 290)

(Zimetungwa chini ya vifungu vya 6(1) na 16 (1))

SHERIA NDOGO ZA (USHURU WA MASOKO NA MAGULIO) ZA HALMASHAURI YA MANISPAA YA KIGAMBONI ZA MWAKA, 2018

Jina	1	Sheria Ndogo hizi zitajulikana kama Sheria Ndogo za (Ushuru wa Masoko na Magulio) za Halmashauri ya Manispaa ya Kigamboni za Mwaka, 2018 na zitaanza kutumika baada ya kutangazwa kwenye Gazeti la Serikali.
Matumizi	2	Sheria Ndogo hizi zitatumika katika eneo lote la mamlaka ya Halmashauri ya Manispaa ya Kigamboni.
Tafsiri	3	<p>Katika Sheria Ndogo hizi isipokuwa itakapoelezwa vinginevyo:-</p> <p><i>“Afisa Mwidhiniwa”</i> maana yake ni Afisa yeyote wa Halmashauri aliyeteuliwa kusimamia utekelezaji wa Sheria Ndogo hizi.</p> <p><i>“Dalali”</i> maana yake ni mtu yeyote anayeenza bidhaa za sokoni kwa njia ya mnada kwa niaba ya mwenye bidhaa kwa mujibu wa Sheria na taratibu za soko.</p> <p><i>“Halmashauri”</i> maana yake ni Halmashauri ya Manispaa ya Kigamboni.</p> <p><i>“Kibali”</i> maana yake ni idhini ya maandishi inayotolewa na Mkuu wa Masoko kwa mujibu Sheria Ndogo hizi.</p>

Sheria Ndogo za (Ushuru Wa Masoko na Magulio) za Halmashauri ya Manispaa ya Kigamboni

Tangazo la Serikali Na. 330 (linaendelea)

“Kodi ya Pango” maana yake ni kodi inayolipwa na mpangaji kwa Halmashauri kila mwezi au kila siku kwa mujibu wa Sheria Ndogo hizi.

“Gulio” maana yake ni soko la wazi linalofanyika kwa wakati maalumu kwa kibali maalumu cha Manispaa

“Kasha” maana yake ni kifaa maalum cha kubebea au kuhifadhia bidhaa na mazao kama vile matenga, viroba, magunia, karatasi ngumu, masanduku ya mbao nk.

“Soko” Maana yake ni eneo maalum la biashara lililotengwa na Halmashauri kwa matumizi ya kuuzia au kununulia bidhaa.

“Meza au Kizimba” maana yake ni kitu au kifaa kinachotumika kuwekea bidhaa za biashara katika soko au eneo lililoidhinishwa na Halmashauri.

“Mfanyabiashara” maana yake ni mtu yeyote anayeza bidhaa sokoni kwa jumla au rejareja aliyesajiliwa katika daftari rasmi la soko kwa mujibu wa Sheria Ndogo hizi.

“Mkuu wa Soko” maana yake ni mtu yeyote aliyeteuliwa au aliyeajiriwa na Halmashauri kusimamia shughuli zote katika soko.

“Mkurugenzi” maana yake ni Mkurugenzi wa Halmashauri ya Manispaa ya Kigamboni pamoja na Afisa yeyote atakayeteuliwa kutekeleza majukumu ya Mkurugenzi;

“Mnada” maana yake soko la wazi ambalo mali au vitu mbalimbali vinauzwa kwa ushindani wa bei kwa kauli kwa kibali maalumu cha Manispaa.

“Mnunuzi” maana yake ni mtu yoyote anayenunua bidhaa au mazao sokoni au katika eneo la mamlaka ya Halmashauri.

Sheria Ndogo za (Ushuru Wa Masoko na Magulio) za Halmashauri ya Manispaa ya Kigamboni

Tangazo la Serikali Na. 330 (linaendelea)

“*Mpangaji*” maana yake ni mtu binafsi, taasisi, kikundi au kampuni yeyote inayolipa kodi ya chumba, meza au kizimba aliyepangishwa na Halmashauri ndani ya soko na ana mkataba au idhini ya maandishi kutoka Halmashauri.

“*Muuzaji*” maana yake ni mtu yoyote anayeuzua bidhaa au mazao katika soko au eneo lililoidhinishwa na Halmashauri.

“*Wakala*” maana yake ni mtu, kikundi, taasisi au kampuni iliyopewa kazi ya kukusanya mapato ya mamlaka katika chanzo au vyanzo vya mapato vya Halmashauri.

“*Wadau wa Soko*” maana yake ni mfanyabiashara binafsi, vikundi vilivyoandikishwa katika Kamati ya Wadau wa Soko na kuwasilishwa kwa Mkuu wa Soko, au vyama vya ushirika vinavyofanya shughuli za biashara katika soko.

“*Ushuru*” maana yake ni tozo inayolipwa baada au kabla ya kupata huduma kutoka Halmashauri.

“*Vikundi*” maana yake ni vikundi vya ushirika, umoja wa vikundi vya wafanyabiashara vilivyosajiliwa au kuandikishwa na kuwasilishwa katika kamati ya soko na kwa Mkuu wa soko.

“*Zao*” maana yake ni mavuno ya shambani au maliasili yanayoingizwa kwenye soko au ndani ya eneo la mamlaka ya Halmashauri.

- | | | |
|---------------------|--------|--|
| Usimamizi wa Masoko | 4. | Halmashauri itaendesha Magulio na Masoko yote yaliyoko katika eneo la Halmashauri. |
| Ada na Ushuru | 5. (1) | Halmashauri itatoza ada na ushuru kwenye masoko na Magulio kwa huduma na shughuli mbalimbali kama zilivyoonyeshwa kwenye Jedwali la Kwanza la Sheria |

Sheria Ndogo za (Ushuru Wa Masoko na Magulio) za Halmashauri ya Manispaa ya Kigamboni

Tangazo la Serikali Na. 330 (linaendelea)

Ndogo hizi.

- (2) Ada itakaotzwa chini ya Sheria Ndogo hizi inapaswa kulipwa kabla ya huduma kutolewa.
- (3) Ushuru utozwao chini ya Sheria Ndogo hizi utalipwa kabla au baada au wakati wa kupata huduma.
- (4) Bila kuathiri maelezo ya kifungu cha 5(3) mlipa ushuru anaweza kufanya makubaliano maalumu na Halmashauri juu ya namna anayoona inafaa kulipa ushuru.

Wajibu wa Halmashauri

6. Halmashauri itakuwa na wajibu wa:-
 - a) kuanzisha na kuendeleza masoko na kuboresha miundombinu;
 - b) kusimamia usafi na usalama wa masoko;
 - c) kusimamia ufikishaji wa huduma za umeme, maji na huduma nyingine za kijamii katika masoko.
 - d) kukusanya Ushuru na Ada mbalimbali toka kwa wadau wa soko.

Minada kufanyika kwa kibali

7. Minada ya mazao, nguo na bidhaa nyinginezo zitaruhusiwa kufanyika kwenye masoko kwa kibali maalum cha Halmashauri kama kinavyooneshwa kwenye Jedwali la Pili la Sheria ndogo hizi..

Ujenzi na ukarabati

8. Haitaruhusiwi kwa mtu yeyote kufanya ukarabati au marekebisho ya chumba, kibanda, meza au kizimba pasipo idhini ya maandishi ya Halmashauri.

Maeneo ya kufanyia biashara

9. Mfanyabiashara yeyote hataruhusiwa kufanya biashara nje ya chumba, kibanda, kizimba au meza.

Mifugo kutoingizwa

10. Kwa mujibu wa Sheria Ndogo hizi hakuna mifugo itakayoruhusiwa kuingia au kuingizwa sokoni

Sheria Ndogo za (Ushuru Wa Masoko na Magulio) za Halmashauri ya Manispaa ya Kigamboni

Tangazo la Serikali Na. 330 (linaendelea)

sokoni		isipokuwa jamii ya ndege na wanyama wadogo wadogo kama sungura watakaoletwa sokoni kwa ajili ya kuuzwa.
Tahadhari ya moto	11(1)	Mtu yeyote hatoruhusiwi kupika chakula, kuchoma nyama au kuendesha shughuli za mgahawa au shughuli nyingine yeyote inayohusisha moto ndani ya eneo la soko isipokuwa kwa idhini ya maandishi ya Halmashauri.
	(2)	Haitoruhusiwa kwa mtu yeyote kufanya shughuli ya udobi ndani ya soko isipokuwa kama amepewa idhini na Halmashauri..
Mkuu wa Masoko	12.	Kutakuwa na Mkuu wa Masoko atakayeteuliwa na Halmashauri kusimamia shughuli za uendelezaji wa Masoko pamoja na:- a) kukusanya ushuru na ada mbalimbali kama zilivyoainishwa kwenye Jedwali la kwanza, la Sheria Ndogo hizi. b) kuimarisha huduma za ulinzi, maji na umeme katika Masoko; c) kusimamia usajili wa wadau wa soko kwa kushirikiana na Kamati ya soko. d) kusimamia usafi na uondoshaji wa taka katika soko; e) kuhakikisha kuwa bidhaa haziuzwi kwenye eneo ambalo haliruhusiwi kwa shughuli hiyo; f) kutekeleza majukumu mengine yeyote atakayoagizwa na Halmashauri. g) kuzuia ujenzi holela katika soko.
Uteuzi wa Wakala	13	Halmashauri itaweza kumteua wakala ambaye atawajibika katika kutekeleza majukumu ambayo Halmashauri itaona inafaa kwa mujibu wa Sheria

Sheria Ndogo za (Ushuru Wa Masoko na Magulio) za Halmashauri ya Manispaa ya Kigamboni

Tangazo la Serikali Na. 330 (linaendelea)

Ndogo hizi kwa niaba ya Halmashauri.

- | | | |
|-----------------------------------|-------|--|
| Kamati ya Wadau wa Soko | 14- | (1) Kutakuwa na Kamati ya Wadau wa soko ambayo itaundwa na Wadau kwa mujibu wa Sheria Ndogo hizi. |
| | | (2) Wajumbe wa Kamati ya Wadau wa soko watakuwa ni Mwenyekiti na Katibu kutoka kila kikundi kilichosajiliwa kinachofanya kazi katika soko husika. |
| Usajili wa wadau | 15. | Wadau wote watasajiliwa na Mkuu wa Soko kwa kushirikiana na Kamati ya wadau wa soko kwa lengo la kuwatambua na kuwaorodhesha kwenye rejista maalumu. |
| Vikao vya kamati ya wadau wa soko | 16(1) | Kutakuwa na Kikao cha Kamati ya Wadau wa soko Kitakachofanyika mara moja kila mwezi ambapo Mkuu wa soko atakuwa Katibu wa kikao na Mwenyekiti atachaguliwa miongoni mwa wajumbe wa Kamati ya Wadau wa Soko. |
| | | (2) Kamati ya wadau inaweza kukutana kwa jinsi itakavyoona inafaa nje ya kikao cha kisheria kwa ajili ya kutekeleza maazimio yaliyoainishwa katika kikao cha Kamati ya Wadau wa soko. |
| Kazi za Kamati ya Wadau wa soko | 17. | Kazi za Kamati ya Wadau wa soko zitakuwa ni:-
a) kuhakikisha biashara inayoendeshwa katika soko.

b) kuboresha ustawi wa wadau wa soko.

c) kuhakiki uwepo wa nidhamu katika shughuli za soko.

d) kuhakikisha wadau wote wa soko wanalipa ushuru na ada kwa mujibu wa Sheria Ndogo hizi.

e) kukuza na kuendeleza mfumo wa biashara; |

Sheria Ndogo za (Ushuru Wa Masoko na Magulio) za Halmashauri ya Manispaa ya Kigamboni

Tangazo la Serikali Na. 330 (linaendelea)

- f) kutekeleza kazi zingine watakazoelekezwa na Mkuu wa Soko kulingana na Sheria ndogo hizi.
 - g) kuhakikisha kila eneo la mdau na soko kwa ujumla linakuwa safi muda wote.
- Kuundwa kamati ndogo 18. Kamati ya Wadau wa Soko itaunda Kamati Ndogo zifuatazo ambazo zitakuwa na wajumbe watatu kutoka miongoni mwa wajumbe wa Kamati ya Wadau:-
- (a) Kamati Ndogo ya Miundombinu na Usafi.
 - (b) Kamati Ndogo ya Fedha, Biashara na Utawala; na
 - (c) Kamati Ndogo ya Ulinzi na Usalama.
- Usajili wa Wafanyabiashara 19(1) Wafanyabiashara wote watasajiliwa na Mkuu wa Soko kwa kushirikiana na Kamati ya Wadau wa Soko.
- (2) Ni marufuku kwa mfanyabiashara asiyesajiliwa kufanya biashara ndani ya soko isipokuwa kwa idhini ya maandishi ya Halmashauri.
- Kibali cha watumiaji wengine 20. (1) Mfanyabiashara yeyote ambaye anataka kufanya biashara ambayo awali haikuwepo au haikuwa na eneo ndani ya soko ataomba kibali kwa Halmashauri.
- (2) Kibali hicho kitatolewa kwa mwombaji kupitia kwa Mkuu wa Soko na muombaji atalipia ada ya kibali ambacho kitadumu kwa muda wa mwaka mmoja toka siku ya kutolewa.
- (3) Mfanyabiashara atakayetaka kuendelea kufanya biashara katika soko mara baada ya kibali chake kwisha muda wake, atatakiwa kuomba tena kibali kwa Halmashauri kwa utaratibu ulioelekezwa katika kifungu cha 20 (1) na 20 (2) hapo juu.
- Kufuta kibali 21. (1) Mkuu wa Soko anaweza kufuta kibali kilichotolewa

Sheria Ndogo za (Ushuru Wa Masoko na Magulio) za Halmashauri ya Manispaa ya Kigamboni

Tangazo la Serikali Na. 330 (linaendelea)

chini ya Sheria Ndogo hizi endapo mwenye kibali hicho:-

- a) atakuwa na malimbikizo ya madeni ya kodi au ushuru;
- b) atakuwa amesimamisha shughuli zake kwa muda wa miezi mitatu bila ya taarifa.
- c) atakuwa amekiuka masharti ya Sheria Ndogo hizi hata baada ya kuonywa; au
- d) atawashawishi wafanyabiashara wengine kutofuata Sheria Ndogo hizi na kusababisha uvunjaji wa amani au atashiriki katika vitendo vya uvunjifu wa amani katika eneo la soko.
- e) mpangaji atatumia chumba, kibanda, meza au kizimba alichopanga kinyume na madhumuni ya kufanyia biashara kama ilivyoainisha kwenye mkataba wa upangishaji au maelekezo yatakayotolewa na Halmashauri.

Saa za kazi

- 22.(1) Soko litakuwa wazi siku zote kuanzia saa kumi na mbili kamili asubuhi hadi saa kumi na mbili jioni.
- (2) Halmashuri kwa kushirikiana na Kamati ya Wadau wanaweza kufunga soko kwa ajili ya matengenezo na sababu nyingine yeyote ya dharura pale itakapoonekana inafaa ili mradi watoe taarifa ya maandishi kwa Mkurugenzi.

Udhibiti wa nidhamu sokoni

23. Itakuwa ni marufuku kwa mtu yeyote:-
- (a) kubandika tangazo au kubandua tangazo lolote bila ya idhini ya Mkuu wa Soko.
 - (b) kuweka bendera ya chama chochote cha siasa ndani ya eneo la Soko.
 - (c) kufanya shughuli za siasa ndani ya soko;
 - (d) kuharibu miundombinu ya soko.

Sheria Ndogo za (Ushuru Wa Masoko na Magulio) za Halmashauri ya Manispaa ya Kigamboni

Tangazo la Serikali Na. 330 (linaendelea)

- (e) kutumia lugha ya matusi ndani ya soko;
- (f) kufanya shughuli yeyote kwenye eneo ambalo haliruhusiwi au halijajengwa kwa shughuli hiyo;
- (g) kufanya biashara nje ya eneo lisiloruhusiwa;
- (h) kutupa taka ovyo au kutiririsha maji machafu.
- (i) kuwasha moto maeneo yasiyohusika ndani ya soko.
- (j) kufunga chumba cha biashara kwa madai ya kukitumia kama stoo au matumizi mengine yasiyoainishwa katika mkataba isipokuwa kwa ridhaa ya Halmashauri na kwa maeneo maalum kama ambavyo Halmashauri itaona inafaa.

- | | |
|----------------------|---|
| Usafi wa soko | 24. (1) Kila mfanyabiashara anayefanya shughuli za biashara katika soko atawajibika kuweka eneo lake katika hali ya usafi wakati wote, na anatakiwa awe na chombo maalum chenye mishikio na mfuniko kwa ajili ya kuhifadhia taka. |
| | (2) Mkuu wa soko kwa kushirikiana na kamati ya wadau wa soko watapanga siku, namna na muda maalum mara moja kwa juma kwa ajili ya kufanya usafi wa jumla katika eneo lote la soko. |
| | (3) Kila mfanyabiashara katika soko atatakiwa kushiriki katika usafi wa jumla wa soko bila kukosa. |
| | (4) Kila mfanyabiashara katika soko atatakiwa kufuata Kanuni za afya. |
| Uingizaji wa bidhaa. | 25.(1) Bidhaa zote zitakazolingizwa katika soko zitatakiwa kuhifadhiwa kwenye makasha maalumu ya kusafirishia bidhaa. |
| | (2) Ni marufuku kwa mkulima, mfanyabiashara, dalali au mtu mwingine yeyote kuingiza sokoni bidhaa |

Sheria Ndogo za (Ushuru Wa Masoko na Magulio) za Halmashauri ya Manispaa ya Kigamboni

Tangazo la Serikali Na. 330 (linaendelea)

zilizofungwa kwa majani au bidhaa zilizoharibika.

- (3) Mtu yeyote atakayeingiza sokoni bidhaa zilizofungwa kwa majani atakuwa ametenda kosa kwa mujibu wa Sheria Ndogo hizi.

Ukusanyaji wa kodi, ada na Ushuru.

26. Mkuu wa Soko atakuwa msimamizi mkuu wa ukusanyaji wa mapato ya soko. Mfanyabiashara yeyote wa sokoni atatakiwa kulipa kodi, ada na ushuru kwa Halmashauri au wakala wake katika eneo la soko.

Ada ya Kupangisha eneo

27. (1) Halmashauri itatoza ada ya kupanga eneo la biashara ambayo italipwa na mfanyabishara yeyote aliye sajiliwa kufanya biashara katika eneo la soko.

- (2) Ada hiyo italipwa kwa Halmashauri au wakala kama inavyoonekana kwenye Jedwali la Tatu la Sheria Ndogo hizi.

Huduma ya usafi, ulinzi, maji na umeme

28. Kila mfanyabiashara katika soko atawajibika kugharamia huduma ya ulinzi, usafi, maji na umeme kulingana na mahitaji yake kila mwezi kufuatana na utaratibu utakaowekwa na Halmashauri.

Ushuru wa kupakua na kupakia mizigo

29. Kutakuwa na ushuru utakaotzwa kwa kila gari litakaloingia ndani ya eneo la soko au barabara za soko kwa ajili ya kupakua au kupakia bidhaa kama ilivyoainishwa kwenye Jedwali la Nne la Sheria Ndogo hizi.

Mamlaka ya Kufunga biashara

30. (1) Halmashauri itakuwa na mamlaka ya kufunga biashara yoyote ambayo mmiliki wake ameshindwa au kukataa kulipa Ada au Ushuru kwa mujibu wa Sheria Ndogo hizi.

- (2) Halmashauri haitawajibika kwa hasara atakayopata mtu au mfanyabiashara au taasisi yoyote kutokana na kutekeleza Sheria Ndogo ya

*Sheria Ndogo za (Ushuru Wa Masoko na Magulio) za Halmashauri ya Manispaa
ya Kigamboni*

Tangazo la Serikali Na. 330 (linaendelea)

30(1) ya Sheria Ndogo hizi.

- Adhabu 31. Mtu yeyote atakayekwenda kinyume na masharti ya Sheria Ndogo hizi atakuwa ametenda kosa na akipatikana na hatia atatozwa faini isiyopungua shilingi Laki Mbili (200,000/=) na isiyozidi shilingi Milioni Moja (1,000,000/=) au kifungo kisichopungua miezi kumi na mbili na kisichozidi miezi ishirini na nne au adhabu zote mbili kwa pamoja.
- Uwezo wa kufifilisha kosa 32. Mkurugenzi anaweza kumtoza mtu yeyote faini isiyopungua shilingi laki mbili (200,000/=) na isiyozidi shilingi laki tano (500,000/=) iwapo mkosaji atakiri kosa kwa maandishi na kukubali kutekeleza wajibu wake pamoja na kulipa faini anayodaiwa kama itakavyoelekezwa kwenye Jedwali la Tano la Sheria Ndogo hizi.

JEDWALI LA KWANZA

(Limetungwa chini ya kifungu cha 5 (1))

USHURU WA SOKO

NA.	AINA YA BIASHARA/CHOMBO	USHURU TSH
1	MEZA/VIZIMBA/MBAO	500/=
2	BUCHA/DUKA/BANDA	700/=

JEDWALI LA PILI

(Chini ya kifungu cha 7)

KIBALI CHA KUTUMIA SOKO

1. Jina la Mwombaji
2. Anuani ya mwombaji
3. Kibali cha
4. Eneo ambalo kibali hicho kitatumika

*Sheria Ndogo za (Ushuru Wa Masoko na Magulio) za Halmashauri ya Manispaa
ya Kigamboni*

Tangazo la Serikali Na. 330 (linaendelea)

-
5. Muda wa Kibali ni kuanzia tarehe.....hadi tarehe.....
 6. Masharti ya kutumia kibali.....
 - a)
 - b)
 - c)
 - d)
 - e)
 7. Tarehe ya kikao iliyoidhinisha kibali.....
Muhtasari Na.....
 8. Imesajiliwa na:
Jina
 - Saini.....
 - Mkuu wa Soko Saini ya Mwombaji
 - Tarehe Tarehe
 - Mhuri.....

JEDWALI LA TATU

**VIWANGO VYA KODI ZA PANGO
(Limetungwa chini ya kifungu cha 27 (2))**

NA.		VIWANGO
1.	VIZIMBA	8,000/=
2.	MATUNDU YA KUKU	15,000/=
3.	MAMA/BABA LISHE	20,000/=
4.	VIOSK/MABANDA YA MITUMBA/BUCHA N.K.	50,000/=
5.	MADUKA	100,000/=
6.	STOO	150,000/=
7.	COLD ROOM	350,000/=

*Sheria Ndogo za (Ushuru Wa Masoko na Magulio) za Halmashauri ya Manispaa
ya Kigamboni*

Tangazo la Serikali Na. 330 (linaendelea)

JEDWALI LA NNE

(Limetungwa chini ya kifungu cha 29)

USHURU WA KUPAKIA NA KUSHUSHA MIZIGO

NA.	AINA YA CHOMBO CHA USAFIRI	VIWANGO VIPYA
1.	GARI 500 KGS TOYO/SUZUKI.CARRY	6000/=
2.	GARI 1 TANI PICK UP	800/=
3.	GARI 1.5 TANS	10,000/=
4.	GARI 2 TANS	12,000/=
5.	GARI 3 TANS	15,000/=
6.	GARI 4 TANS	17,000/=
7.	GARI 5 TANS	18,000/=
8.	GARI 7 TANS	20,000/=
9.	GARI 8 – 10 TANS	25,000/=
10.	CONTAINER MORE THAN 10 TONS	30,000/=

JEDWALI LA TANO

HATI YA KUKIRI NA KUFIFILISHA KOSA

(Chini ya kifungu cha 32)

Mimi wa S.L.P., nakiri
kutenda kosa la ikiwa ni kinyume
na kifungu cha cha Sheria ya Ndogo za (Uendeshaji wa Masoko na Magulio) za
Halmashauri ya Manispaa Kigamboni za Mwaka 2018.

*Sheria Ndogo za (Ushuru Wa Masoko na Magulio) za Halmashauri ya Manispaa
ya Kigamboni*

Tangazo la Serikali Na. 330 (linaendelea)

Kwa hiyo, kwa hiari yangu mwenyewe pasipo kushawishiwa na mtu yeyote nakubali kulipa faini iliyoainishwaa kwenye Sheria Ndogo hizi iwapo Mkurugenzi atatekeleza madaraka aliyopewa chini ya kifungu cha 31 cha Sheria Ndogo hizi.

Saini:

Mbele yangu:-

Jina:

Saini:


Wadhifa:

Nembo ya Halmashauri ya Manispaa Kigamboni imebandikwa kwenye Sheria Ndogo hizi kufuatia azimio lililopitishwa kwenye Mkutano wa Halmashauri uliofanyika mnamo tarehe 31 Januari, 2018 mbele ya:-

STEPHEN E. KATEMBA

Mkurugenzi,

Halmashauri ya Manispaa Kigamboni.



MAABAD SULEIMAN HOJA

Mstahiki

Meya

Halmashauri ya Manispaa Kigamboni.

NAKUBALI

DODOMA

MHE. SELEMANI S. JAFO (MB)

*Sheria Ndogo za (Ushuru Wa Masoko na Magulio) za Halmashauri ya Manispaa
ya Kigamboni*

Tangazo la Serikali Na. 330 (linaendelea)

07 Juni, 2018

Waziri Wa Nchi/Or Tamisemi